

HUBUNGAN ISLAM-KRISTIAN DI AKHIR ZAMAN MENURUT HADIS-HADIS AL-MALHAMAH AL- KUBRA

Mohd. Khafidz bin Soroni

Faculty of Islamic Civilization Studies, Kolej Universiti Islam Antarabangsa
Selangor (KUIS), 43000, Bandar Seri Putra, Selangor, Malaysia. Email:
mohdkhafidz@kuis.edu.my

Abstrak

Islam dan Kristian merupakan dua agama samawi yang terbesar di dunia pada hari ini. Hubungan antara kedua-dua agama ini sentiasa mengalami pasang surut di sepanjang lipatan sejarah dunia. Banyak peperangan besar yang pernah terjadi antara kedua-dua pihak. Namun, bagaimanakah kesudahan hubungan antara kedua-dua belah pihak ini pada akhirnya nanti? Artikel ini akan membahaskan hubungan antara Islam dan Kristian di akhir zaman kelak berpandukan kepada hadis-hadis baginda Nabi SAW, khususnya yang berkaitan dengan peristiwa al-Malhamah al-Kubra.

Kata kunci: Islam, Kristian, Al-Malhamah Al-Kubra, hadis

(RELATIONS OF ISLAM-CHRISTIANITY IN THE END OF TIME BY AL-MALHAMAH AL-KUBRA HADITHS)

Abstract

Islam and Christianity are the two largest monotheistic religions in the world today. Relations between the two religions always experiences ebbs and flows in the history of the world. Many major wars that have occurred between the two sides. But how was the end of the relationship between the two sides is in the end? This article will discuss the relationship between Muslims and Christians at the end of time based on the traditions of the Prophet, particularly with regard to the events of al-Malhamah al-Kubra.

Keywords: Islam, Christianity, Al-Malhamah Al-Kubra, tradition of the Prophet

Received: December 3, 2015

Accepted: June 6, 2016

Online Published: December 30, 2016

1. Pendahuluan

Berdasarkan nas al-Quran dan hadis, istilah Rom (*al-Rum*) telah digunakan untuk menggambarkan kuasa besar bagi orang-orang Kristian. Rom merupakan kuasa besar agama Kristian sama ada sebelum kedatangan Islam mahupun sesudah kedatangan Islam. Ayat al-Quran yang menunjukkan bahawa Rom merupakan kuasa besar Kristian sebelum dan semasa kedatangan Islam ialah firman Allah Taala (Surah al-Rum 30: 1-4):

(الْمَرْ ۝ غَلَبَتِ الرُّومُ ۝ فِي أَدْنَى الْأَرْضِ وَهُمْ مِنْ بَعْدِ عَلَيْهِمْ سَعِيلُونَ ۝ فِي بَضْعِ سِنِينَ ۝ لِلَّهِ الْأَمْرُ مِنْ قَبْلُ وَمِنْ بَعْدُ ۝ وَيَوْمَئِذٍ يَفْرَحُ الْمُؤْمِنُونَ ۝)

Terjemahan:

“Alif, Lam, Mim. Orang-orang Rom telah dikalahkan. Di negeri yang dekat sekali; dan mereka sesudah kekalahannya itu akan mengalahkan lawannya. Dalam masa tidak sampai sepuluh tahun. Kepada pentadbiran Allah jualah terpujang segala urusan, sebelum berlakunya dan sesudah berlakunya; dan pada ketika berlakunya (kemenangan Rom) itu, orang-orang yang beriman akan bergembira”.

Semasa kedatangan Islam, Semenanjung Arab hampir dikelilingi oleh penganut agama Kristian, iaitu orang Rom dan Syam dalam Empayar Byzantine (Empayar Rom Timur) di sebelah utara, orang Habsyah (Ethiopia) di sebelah selatan dan orang Qibti Mesir di sebelah barat. Namun setelah kemunculan Islam, agama Islam mula menjadi pesaing utama kepada agama Kristian. Islam menjadi kuasa besar baru yang dianggap sebagai ancaman utama kepada pengaruh agama Kristian. Ini dibuktikan apabila pihak Rom di bawah pimpinan Heraclius (*Hiraql*) dengan kekuatan tentera seramai 40,000 orang merancang untuk menyerang kaum muslimin dalam Perang Tabuk pada tahun 9H (631M). Lalu Baginda Nabi SAW telah mempersiapkan sebuah bala tentera besar yang terdiri dari lebih 30,000 orang untuk menghadapi kemaraan tentera Rom. Bagaimanapun, pihak Rom menarik diri dan membatalkan rancangan tersebut apabila melihat kemaraan dan semangat jihad tentera Islam yang tinggi.¹

Pertembungan Islam-Kristian dalam sepanjang sejarah dunia mengalami hubungan pasang surut yang berterusan. Perebutan kota suci Baitul Maqdis menjadi antara faktor utama kepada beberapa pertembungan yang berlaku. Semasa zaman Khalifah ‘Umar bin al-Khattab RA, tentera Islam berjaya menakluk Baitul Maqdis yang berada di bawah kekuasaan Empayar Byzantine. Pihak Kristian telah memohon perjanjian damai kepada tentera Islam dengan syarat Khalifah ‘Umar bin al-Khattab RA sendiri perlu datang kepada mereka. Peristiwa ini berlaku pada tahun 16H (638M).²

Antara pertembungan Islam-Kristian yang paling mencabar dan begitu getir ialah siri-siri Perang Salib yang berlaku selama hampir dua abad, iaitu antara tahun 1095M hingga tahun 1291M (488H – 690H). Pada tahun 1099M, Tentera Salib telah berjaya merampas Baitul Maqdis dari tangan

¹ Hubungan Islam-Kristian khusus di zaman Nabi SAW boleh dirujuk kepada kitab: *al-'Ilalat al-Islamiyyah al-Nasraniyyah fi al-'Ahd al-Nabawi* – Prof. Dr. Faruq Hammadah, 2005, Dimasyq: Dar al-Qalam.

² *Tarikh al-Umam wa al-Muluk* – Muhammad bin Jarir al-Tabari, Beirut: Dar al-Kutub al-Ilmiyyah, 1407H, 2/448-450.

umat Islam dan terus menguasainya untuk tempoh selama 88 tahun kemudian. Pertempuran Hattin pada tahun 1187M (583H), merupakan peperangan penting yang harum dalam lipatan sejarah Islam apabila Salahuddin al-Ayyubi berjaya mengalahkan Tentera Salib dan menawan semula Baitul Maqdis.¹

Satu lagi pertembungan Islam-Kristian yang kekal abadi dalam lipatan sejarah Islam ialah pembukaan Konstantinopel oleh Sultan Muhammad al-Fatih dalam tahun 1453M (857H) yang sekaligus menguburkan Empayar Byzantine untuk selama-lamanya.² Kota Konstantinopel ini kemudian ditukar namanya kepada Istanbul. Meskipun umat Islam bergembira dengan pembukaan kota ini, namun kegembiraan tersebut tidak berpanjangan apabila pada tahun 1492M kegemilangan Kerajaan Islam Andalus yang sudah bertapak hampir 800 tahun di sana berjaya dihapuskan sepenuhnya oleh pihak Kristian.

Persaingan Islam-Kristian sama ada dari sudut akidah, politik, ekonomi dan dakwah berterusan sehinggalah ke hari ini. Berdasarkan statistik tahun 2012, Islam dan Kristian kini merupakan dua buah agama yang terbesar di dunia pada hari ini, di mana agama Kristian menduduki tempat pertama dengan penganutnya berjumlah kira-kira 2.2 billion (32% penduduk dunia), manakala agama Islam menduduki tempat kedua dengan penganutnya berjumlah kira-kira 1.6 billion (23% penduduk dunia).³ Statistik ini seolah-olah merupakan gambaran awal bagi satu pertembungan yang tidak dapat dielakkan pada suatu masa nanti menurut ajaran Islam. Sebagai kemuncaknya, akan terjadi pertempuran yang maha dahsyat di akhir zaman kelak antara orang Islam dan orang Kristian yang disebut sebagai *al-Malhamah al-Kubra*.

2. Definisi *al-Malhamah al-Kubra*

al-Malhamah (الملحمة) daripada kalimah asal *lahm* (لحم) yang bermaksud daging. Pluralnya ialah *al-malahim* (الملاحم). Ia merujuk kepada peperangan yang mengakibatkan banyak kematian. Jika kalimah *al-malhamah* digandingkan dengan kalimah *al-kubra* ia membawa maksud peperangan besar yang mengakibatkan begitu banyak kematian.⁴ *al-Malhamah al-Kubra* hanya akan terjadi di akhir zaman dan merupakan salah satu dari tanda-tanda besar hari kiamat. Peristiwa ini banyak disebut dalam hadis-hadis Nabi SAW dan diriwayatkan oleh ramai ulama hadis. Ia juga boleh disebut sebagai ‘perang dunia terbesar’.

Ada juga pendapat yang memberi istilah perang ini sebagai ‘Armageddon’. Namun, istilah daripada rujukan Kristian ini sudah tentu berbeza dari segi perincian dan pemahamannya di sisi mereka, walaupun ia sama merujuk kepada sebuah perang besar di akhir zaman. Bagi mereka kemenangan tentunya berpihak kepada mereka. Armageddon diambil daripada perkataan Ibrani yang bermaksud Bukit Megiddo (kini dipanggil:

¹ *Perang Salib Dan Kejayaan Salahuddin Al-Ayubi Mengembalikan Islamicjerusalem Kepada Umat Islam* - Mohd Roslan Mohd Nor & Nor Shakila Mohd Noor, Jurnal Al-Tamaddun Bil. 7 (1) 2012, hlm. 61-74.

² Lihat: <http://www.history.com/topics/ancient-history/byzantine-empire>.

³ Lihat: <http://www.pewforum.org/2012/12/18/global-religious-landscape-exec/>

⁴ Wa'il Ibrahim Mahmud al-'Asud, 2008, *al-Ahadith al-Waridah fi al-Malhamah al-Kubra* – ‘Amman: Dar al-Furqan, h. 167.

Tall al-Majidiyyah) di Palestin berdekatan Baitul Maqdis, iaitu tempat berlakunya peperangan tersebut. Ini berbeza dengan *al-Malhamah al-Kubra* yang akan berlaku di A'maq atau Dabiq, dua buah tempat berdekatan Halab, Syria dan juga Antakia, Turki sebagaimana perkhawaran Baginda Nabi SAW.¹

3. Hubungan Islam-Kristian di Akhir Zaman

Berdasarkan hadis-hadis akhir zaman, khususnya hadis-hadis *al-Malhamah al-Kubra*, gambaran pertembungan Islam-Kristian akan sampai ke kemuncaknya dengan terjadinya *al-Malhamah al-Kubra*. Bagaimanapun, dalam hadis-hadis tersebut Baginda Nabi SAW tidaklah menggunakan perkataan Nasara (orang-orang Kristian) atau Nasraniyyah (agama Kristian), tetapi hanya menggunakan sebutan al-Rum (Rom) sahaja dan pernah juga menggunakan gelaran Bani al-Asfar (anak cucu keturunan al-Asfar). Ini kerana mereka adalah daripada keturunan al-Asfar bin al-Rum bin 'Aisu bin Ishaq bin Ibrahim AS, sebagaimana menurut sebahagian ulama seperti al-Harbi dan lain-lain.²

Berdasarkan realiti semasa, mungkin dapat difaham bahawa istilah Rom dalam sabdaan-sabdaan Nabi SAW itu barangkali hanya sebagai simbol kepada kekuatan golongan Kristian atau Nasrani. Bukan semestinya ia bermakna bahawa pada masa berkenaan bangsa Rom masih menggelarkan diri mereka sebagai 'orang Rom'. Lebih-lebih lagi kebanyakan mereka sebagaimana yang kita lihat sekarang tidak lagi memakai gelaran 'orang Rom' (*Roman*) atau menisbahkan diri mereka kepada Rom. Namun, baginda SAW menggunakan nama Rom kerana istilah itu dapat difahami secara mudah oleh para sahabatnya ketika itu yang merujuk kepada bangsa Rom yang menjadi kuasa besar Kristian pada masa itu dalam Empayar Byzantine. Ia sudah tentu bukan merujuk kepada wilayah tertentu dari sudut geografi kerana Empayar Byzantine Rom telah pun berkubur selepas penaklukan Konstantinopel oleh Sultan Muhammad al-Fatih dalam tahun 1453M (857H).

Jika kita perhatikan pada masa kini pula, kuasa besar Kristian ditandai dengan negara Amerika, negara Britain dan negara-negara Eropah sebagai peneraju utama yang mana ramai penduduk negara-negara berkenaan adalah daripada keturunan bangsa Rom. Maka, tidak jauh jika kita katakan bahawa negara Amerika, Britain dan sekutu-sekutu mereka itu yang disebut sebagai Rom dalam hadis-hadis Baginda Nabi SAW yang merujuk kepada satu kuasa besar dari sudut politik dan ketenteraan bagi golongan Kristian. Nabi SAW tidak menggunakan istilah *Nasraniyyah* (agama Kristian) atau *Nasara* (orang-orang Kristian) secara langsung kerana barangkali baginda sudah tahu ramai keturunan bangsa Rom nanti tidak akan lagi benar-benar mempraktikkan agama mereka, meskipun tetap menjadi pendokong kuat terhadapnya sebagaimana yang kita sedia saksikan pada masa sekarang. Dan juga kerana agama Kristian itu nanti akan dianuti oleh pelbagai bangsa di dunia dan tidak hanya terbatas kepada bangsa Rom sahaja. Justeru, amat sesuai jika baginda menggunakan istilah *al-Rum* (Rom) atau Bani al-Asfar sahaja.

¹ Mansur 'Abd al-Hakim & al-Husayni al-Husayni Ma'addi, 2007, *Harmajiddun wa Nihayah Amerika wa Isra'il* – Dimasyq - Kaherah: Dar al-Kitab al-'Arabi. h. 35.

² al-Hafiz Ibn Hajar, 1379H, *Fath al-Bari Syarh Sahih al-Bukhari*, Beirut: Dar al-Ma'rifah, 1/144.

Berikut merupakan analisa penulis terhadap hadis-hadis berkaitan *al-Malhamah al-Kubra* yang menggambarkan bagaimana hubungan dan pertembungan Islam-Kristian di akhir zaman kelak.

4. Peristiwa-peristiwa Menjelang *al-Malhamah*

(a) Fitnah Berleluasa:

رُوي عن الحسن مرسلاً قال: قال رسول الله صلى الله عليه وسلم: يَكُونُ بَيْنَ يَدَيِ الْمَلْحَمَةِ فِتْنٌ يَمُوتُ فِيهَا قَلْبُ الرَّجُلِ كَمَا يَمُوتُ بَدَنُهُ. أخرجه أبو عمرو الداني في السنن الواردة في الفتن. وله شاهد من حديث ابن عمر رضي الله عنهما بدون لفظ: الْمَلْحَمَةُ، أخرجه نعيم بن حماد في الفتن (64/1، رقم 113).

Terjemahan:

Diriwayatkan dari al-Hasan r.a secara *mursal* katanya: Rasulullah s.a.w bersabda: "Akan berlaku ketika hampirnya *al-malhamah* fitnah-fitnah di mana pada masa itu hati seorang lelaki akan mati sepertimana badannya akan mati". (HR. Abu 'Amr al-Dani dalam *al-Sunan al-Waridah fi al-Fitan*)

(b) Penubuhan Pasukan-Pasukan Tentera Islam:

عَنْ ابْنِ حَوَالَةَ قَالَ: قَالَ رَسُولُ اللَّهِ صَلَّى اللَّهُ عَلَيْهِ وَسَلَّمَ: سَيَصِيرُ الْأَمْرُ إِلَى أَنْ تَكُونُوا جُنُودًا مُجْتَدَّةً، جُنْدٌ بِالشَّامِ، وَجُنْدٌ بِالْيَمَنِ، وَجُنْدٌ بِالْعِرَاقِ. قَالَ ابْنُ حَوَالَةَ: خِرَ لِي يَا رَسُولَ اللَّهِ إِنْ أُذِرْتُ ذَلِكَ. فَقَالَ: عَلَيْكَ بِالشَّامِ، فَإِنَّهَا خَيْرُ اللَّهِ مِنْ أَرْضِهِ، يَجْتَبِي إِلَيْهَا خَيْرَتَهُ مِنْ عِبَادِهِ، فَأَمَّا إِنْ أَبَيْتُمْ فَعَلَيْكُمْ بِيَمَنِكُمْ، وَاسْتَقُوا مِنْ عُذْرِكُمْ، فَإِنَّ اللَّهَ تَوَكَّلَ لِي بِالشَّامِ وَأَهْلِهِ. أخرجه أبو داود (4/3، رقم 2483) وأحمد (110/4، رقم 17046)، والطبراني (251/18، رقم 627) وهو حسن لغيره.

Terjemahan:

Dari Ibnu Hawalah, ia berkata; Rasulullah SAW bersabda: "Keadaan agama ini akan sampai kepada suatu masa kamu sekalian menjadi tentera yang berpasuk-pasukan, satu pasukan di Syam, satu pasukan di Yaman dan satu pasukan di Iraq." Ibnu Hawalah berkata; Pilihlah untukku (tempat terbaik) wahai Rasulullah, jika aku menemui keadaan tersebut. Lalu baginda bersabda: "Hendaklah engkau menetap di Syam kerana sesungguhnya ia adalah bumi Allah yang terpilih, Allah akan menghimpunkan kepadanya orang-orang yang terpilih dari kalangan hamba-hamba-Nya. Adapun jika kamu sekalian enggan, maka hendaklah kamu menetap di Yaman dan minumlah dari kolam-kolam air kamu. Sesungguhnya Allah telah menjamin untukku (menjaga) daerah Syam dan penduduknya". (HR Abu Daud no: 2483, Ahmad no: 17046 dan al-Tabarani no: 627)

(c) Penaklukan Baitul Maqdis:

عن ابن زُعبِ الإياديِّ قَالَ: نَزَلَ عَلَى عَبْدِ اللَّهِ بْنِ حَوَالَةَ الْأَزْدِيِّ فَقَالَ لِي: بَعَثَنَا رَسُولُ اللَّهِ -صلى الله عليه وسلم- لِنَعْتَمَ عَلَى أَقْدَامِنَا، فَرَجَعْنَا فَلَمْ نَعْتَمَ شَيْئًا، وَعَرَفَ الْجُهْدَ فِي وُجُوهِنَا، فَنَامَ فِينَا فَقَالَ: «اللَّهُمَّ لَا تَكْلُهُمْ إِلَى فَاَضَعَفَ عَنْهُمْ، وَلَا تَكْلُهُمْ إِلَى أَنْفُسِهِمْ فَيَعْجِزُوا عَنْهَا، وَلَا تَكْلُهُمْ إِلَى النَّاسِ فَيَسْتَأْثِرُوا عَنْهُمْ». ثُمَّ

وَضَعَ يَدَهُ عَلَى رَأْسِي - أَوْ قَالَ : عَلَى هَامَتِي - ثُمَّ قَالَ: « يَا ابْنَ حَوَالَةَ، إِذَا رَأَيْتَ الْخِلَافَةَ قَدْ نَزَلَتْ أَرْضَ الْمُقَدَّسَةِ فَقَدْ دَنَّتِ الرَّالِزِلُ وَالْبَلَابُ وَالْأُمُورُ الْعِظَامُ، وَالسَّاعَةُ يَوْمَئِذٍ أَقْرَبُ مِنَ النَّاسِ مِنْ يَدِي هَذِهِ مِنْ رَأْسِكَ ». أخرجه أبو داود (19/3، رقم 2535)، وأحمد (288/5، رقم 22540) والحاكم (471/4، رقم 8309) وقال: صحيح الإسناد.

Terjemahan:

Dari Ibnu Zughb al-Iyadi ia berkata; 'Abdullah bin Hawalah al-Azdi pernah singgah di tempatku, lalu ia berkata kepadaku; Rasulullah SAW pernah mengutus kami untuk mendapatkan harta rampasan perang dengan berjalan kaki. Bagaimanapun, kami hanya pulang dan tidak mendapatkan sesuatu apa pun. Baginda menyadari kesan susah payah pada wajah kami. Lalu baginda berdiri dan berdoa: "Ya Allah, janganlah Engkau serahkan mereka kepadaku hinggakan aku lemah untuk menanggung mereka, dan janganlah Engkau serahkan mereka kepada diri mereka sendiri hinggakan mereka nanti tidak mampu menanggung diri mereka, dan janganlah Engkau serahkan mereka kepada manusia hinggakan mereka nanti mementingkan diri mereka ke atas mereka itu." Kemudian baginda meletakkan tangannya di atas kepalaku - atau di atas ubun-ubunku -. Kemudian bersabda: "Wahai anak Hawalah, apabila engkau melihat khilafah telah turun di bumi yang disucikan, maka sungguh telah dekatlah bencana gempa bumi, malapetaka serta perkara-perkara besar. Pada saat itu, Hari Kiamat lebih dekat kepada manusia daripada tanganku ini dari kepalamu." (HR Abu Dawud no: 2535, Ahmad no: 22540 dan al-Hakim no: 8309)

Menurut al-Khattabi (w. 388H), Nabi SAW memperingatkan tentang tempoh pemerintahan Bani Umayyah yang memindahkan pusat khilafah Islam dari Madinah ke Dimasyq di Syam dan fitnah-fitnah yang berlaku di zaman mereka.¹ Bagaimanapun, penulis berpendapat pemerintahan Bani Umayyah bukan yang dimaksudkan oleh hadis berkenaan kerana hadis tersebut menyatakan khilafah akan turun di bumi yang disucikan itu ketika hari Kiamat sudah begitu hampir. Malah pusat khilafah Islam sudah pun berpindah beberapa kali ke tempat-tempat lain sehingga yang terakhir sekali ke Istanbul, Turki. Penulis berpendapat, maksud khilafah akan turun di bumi yang disucikan itu ialah akan muncul semula di Baitul Maqdis, Palestin. Ini sebagaimana hadis tentang Imam al-Mahdi yang menyatakan beliau akan berkumpul dan bersolat bersama kaum muslimin di Baitul Maqdis.²

عن عَوْفِ بْنِ مَالِكٍ قَالَ: أَتَيْتُ النَّبِيَّ - صَلَّى اللَّهُ عَلَيْهِ وَسَلَّمَ - فِي عَزْوَةِ تَبُوكَ، وَهُوَ فِي قُبَّةٍ مِنْ أَدَمٍ فَقَالَ: «اعْدُدْ سِتًّا بَيْنَ يَدَيِ السَّاعَةِ، مَوْتِي، ثُمَّ فَتْحُ بَيْتِ الْمَقْدِسِ، ثُمَّ مَوْتَانِ يَأْخُذُ فِيكُمْ كَقُعَاصِ الْعَنَمِ، ثُمَّ اسْتِفَاضَةُ الْمَالِ حَتَّى يُعْطَى الرَّجُلُ مِائَةَ دِينَارٍ فَيَطْلُ سَاحِطًا، ثُمَّ فِتْنَةٌ لَا يَبْقَى بَيْتٌ مِنَ الْعَرَبِ إِلَّا دَخَلْتَهُ، ثُمَّ هُدْنَةٌ تَكُونُ بَيْنَكُمْ وَبَيْنَ بَنِي الْأَصْفَرِ فَيَعْدُرُونَ، فَيَأْتُونَكُمْ تَحْتَ ثَمَانِينَ غَايَةً، تَحْتَ كُلِّ غَايَةٍ اثْنَا عَشَرَ أَلْفًا». وفي رواية: عمران بيت المقدس، وفي رواية: وَفِتْنَةٌ تَكُونُ بَيْنَكُمْ لَا يَبْقَى بَيْتٌ مُسْلِمٍ إِلَّا دَخَلْتَهُ. أخرجه البخاري (1159/3)،

¹ 'Awn al-Ma'bud Syarh Sunan Abi Dawud – Muhammad Asyraf al-'Azimabadi, 1415H, cet. 2, Beirut: Dar al-Kutub al-'Ilmiyyah, 7/ 150.

² Wa'il Ibrahim Mahmud al-'Asud, 2008, al-Ahadith al-Waridah fi al-Malhamah al-Kubra – 'Amman: Dar al-Furqan, h. 221-241.

رقم 3005)، وابن ماجه (2/1341، رقم 4042)، وأحمد (6/22، رقم 24017)، وابن أبي شيبة (7/480، رقم 37382) والطبراني (18/42، رقم 72)، والحاكم (4/465، رقم 8295) وصححه، وغيرهم.

Terjemahan:

Dari 'Auf bin Malik RA berkata: "Aku pernah menemui Nabi SAW ketika terjadi perang Tabuk dan baginda sedang berada di dalam sebuah khemah yang terbuat dari kulit. Lalu baginda bersabda: "Hitunglah enam perkara yang akan terjadi menjelang hari Kiamat; iaitu kematianku, kemudian pembebasan Baitul Maqdis (dalam riwayat lain: pemakmuran Baitul Maqdis), kemudian kematian yang menyerang kamu sekalian bagaikan penyakit yang menyerang kambing sehingga mati tiba-tiba, kemudian melimpahnya harta benda sehingga ada lelaki yang diberi seratus dinar namun ia masih marah (merasa kurang), kemudian timbulnya fitnah sehingga tidak ada satupun rumah orang Arab (dalam riwayat lain: rumah orang Islam) melainkan ia akan memasukinya, kemudian perjanjian yang akan berlaku antara kamu sekalian dan bangsa kulit kuning (Bani al-Asfar iaitu Rom), lalu mereka akan mengkhianati perjanjian tersebut dan mereka akan datang menghadapi kalian di bawah lapan puluh (80) panji-panji perang, di bawah setiap panji pula terdiri dari dua belas ribu (12,000) tentera."

(HR al-Bukhari no: 3005, Ibn Majah no: 4042, Ahmad no: 24017, Ibn Abi Syaibah no: 37382, al-Tabarani no: 72, al-Hakim no: 8295 dan lain-lain)

Berdasarkan fakta sejarah, tentera Islam berjaya menakluk Baitul Maqdis pada tahun 638M (16H) semasa zaman Khalifah 'Umar bin al-Khattab RA.¹ Namun pada tahun 1099M, tentera Salib berjaya merampas Baitul Maqdis dari tangan umat Islam sehinggalah muncul Salahuddin al-Ayyubi yang berjaya menewaskan mereka dan menawan semula Baitul Maqdis pada tahun 1187M (583H).² Berdasarkan realiti semasa pula, Baitul Maqdis kini tidak lagi dikuasai umat Islam dan berada di bawah kekuasaan tentera Israel. Mereka mengawalinya secara ketat dan umat Islam tidak mempunyai kebebasan mutlak terhadapnya. Maka, hadis di atas dan hadis sebelumnya membuktikan pembebasan atau pemakmuran Baitul Maqdis itu akan berlaku apabila menjelang hampirnya hari Kiamat.

عَنْ مُعَاذِ بْنِ جَبَلٍ قَالَ قَالَ رَسُولُ اللَّهِ -صلى الله عليه وسلم- « عُمْرَانُ بَيْتِ الْمَقْدِسِ حَرَابٌ يَثْرِبُ، وَحَرَابٌ يَثْرِبُ حُرُوجُ الْمَلْحَمَةِ، وَحُرُوجُ الْمَلْحَمَةِ فَتْحُ قُسْطَنْطِينِيَّةَ، وَفَتْحُ الْقُسْطَنْطِينِيَّةِ حُرُوجُ الدَّجَالِ ». أخرجه أبو داود (4/110، رقم 4294)، وابن أبي شيبة (7/491، رقم 37477)، وأحمد (5/245، رقم 22174)، والطبراني (20/108، رقم 214).

Terjemahan:

Dari Muaz ibn Jabal r.a: Rasulullah s.a.w bersabda: "Pemakmuran Baitul Maqdis merupakan tanda kehancuran Yathrib, kehancuran Yathrib

¹ *Tarikh al-Umam wa al-Muluk* – Muhammad bin Jarir al-Tabari, Beirut: Dar al-Kutub al-Ilmiyyah, 1407H, 2/448-450.

² *Perang Salib Dan Kejayaan Salahuddin Al-Ayubi Mengembalikan Islamic Jerusalem Kepada Umat Islam* - Mohd Roslan Mohd Nor & Nor Shakila Mohd Noor, Jurnal Al-Tamaddun Bil. 7 (1) 2012, hlm. 61-74.

merupakan tanda permulaan al-malhamah, permulaan al-malhamah merupakan tanda pembebasan Kostantinopel, pembebasan Kostantinopel merupakan tanda kemunculan Dajjal".

(HR. Abu Dawud no: 4294, Ibn Abi Syaybah no: 37477, Ahmad no: 22174 dan al-Tabarani no: 214). Yathrib ialah al-Madinah al-Munawwarah.

5. Ghutah Kubu Kuat Islam

عَنْ أَبِي الدَّرْدَاءِ أَنَّ رَسُولَ اللَّهِ صَلَّى اللَّهُ عَلَيْهِ وَسَلَّمَ قَالَ: إِنَّ فُسْطَاطَ الْمُسْلِمِينَ يَوْمَ الْمَلْحَمَةِ بِالْعُوْطَةِ إِلَى جَانِبِ مَدِينَةٍ يُقَالُ لَهَا دِمَشْقُ مِنْ خَيْرِ مَدَائِنِ الشَّامِ. وفي رواية: خير منازل المسلمين يومئذ. أخرجه أبو داود (111/4، رقم 4298) وأحمد (197/5، رقم 21773) والطبراني في الأوسط (296/3، رقم 3205)، والحاكم (532/4، رقم 8496) وقال: صحيح الإسناد.

Terjemahan:

Dari Abu Darda' ia berkata, Rasulullah SAW bersabda: "Sesungguhnya pangkalan (kubu) kaum muslimin saat terjadinya peperangan besar berada di Ghutah, suatu tempat berdekatan sebuah kota yang dipanggil dengan nama Dimasyq, antara kota terbaik di daerah Syam". Dalam riwayat lain: "...sebaik-baik tempat tinggal kaum muslimin pada masa itu". (HR Abu Dawud no: 4298, Ahmad no: 21773, at-Tabarani no: 3205 dan al-Hakim no: 8496)

روي عن جُبَيْرِ بْنِ نُفَيْرٍ قَالَ: حَدَّثَنَا رَجُلٌ مِنْ أَصْحَابِ مُحَمَّدٍ صَلَّى اللَّهُ عَلَيْهِ وَسَلَّمَ أَنَّ رَسُولَ اللَّهِ صَلَّى اللَّهُ عَلَيْهِ وَسَلَّمَ قَالَ: سَتُفْتَحُ عَلَيْكُمْ الشَّامُ، فَإِذَا خَيْرُتُمْ الْمَنَازِلَ فِيهَا فَعَلَيْكُمْ بِمَدِينَةِ يُقَالُ لَهَا دِمَشْقُ، فَإِنَّهَا مَغْفِلُ الْمُسْلِمِينَ مِنَ الْمَلَاحِمِ، وَفُسْطَاطُهَا مِنْهَا بِأَرْضِ يُقَالُ لَهَا الْعُوْطَةُ. أخرجه أحمد (160/4، رقم 17505) قال الهيثمي (289/7): فيه أبو بكر بن أبي مریم، وهو ضعيف، ويقويه حديث أبي الدرداء.

Terjemahan:

Dari Jubair bin Nufair ia berkata, "Telah menceritakan kepada kami seorang lelaki daripada sahabat Nabi Muhammad SAW, bahwa Rasulullah SAW bersabda: "Syam akan dibukakan untuk kalian, maka jika kalian diberi kebebasan untuk memilih tempat tinggal di dalamnya, maka pilihlah sebuah kota yang bernama Dimasyq. Sesungguhnya ia adalah benteng kaum muslimin dari peperangan-peperangan yang dahsyat, dan pangkalannya terletak di suatu tempat bernama al-Ghutah." (HR Ahmad no: 17505)

عَنْ أَبِي هُرَيْرَةَ قَالَ قَالَ رَسُولُ اللَّهِ -صلى الله عليه وسلم-: «إِذَا وَقَعَتِ الْمَلَاحِمُ بَعَثَ اللَّهُ بَعْثًا مِنَ الْمَوَالِي، هُمْ أَكْرَمُ الْعَرَبِ فَرَسًا، وَأَجْوَدُهُ سِلَاحًا، يُؤَيِّدُ اللَّهُ بِهَيْمِ الدِّينِ». وفي رواية: الموالى من دمشق. أخرجه ابن ماجه (1369/2، رقم 4090)، ونعيم بن حماد في الفتن (474/2، رقم 1334)، والحاكم (591/4، رقم 8646) وقال: صحيح على شرط البخاري.

Terjemahan:

Dari Abu Hurairah katanya, "Rasulullah SAW bersabda: "Jika terjadi peperangan-peperangan yang besar, maka Allah akan mengutus satu kumpulan daripada para al-mawali (golongan yang berjanji taat setia, dari Dimasyq), mereka adalah orang Arab yang paling mulia kudanya dan yang

paling bagus senjatanya. Dengan merekalah Allah menguatkan agama ini". (HR Ibnu Majah no: 4090, Nu'aym bin Hammad no: 1334 dan al-Hakim no: 8646)

6. Perjanjian Damai Antara Islam dan Kristian

عَنْ جُبَيْرِ بْنِ نُفَيْرٍ قَالَ: انْطَلِقُ بِنَا إِلَى ذِي مِجْرِبٍ - رَجُلٍ مِنْ أَصْحَابِ النَّبِيِّ - صَلَّى اللَّهُ عَلَيْهِ وَسَلَّمَ - فَأَتَيْنَاهُ فَسَأَلَهُ جُبَيْرٌ عَنِ الْهُدْيَةِ فَقَالَ: سَمِعْتُ رَسُولَ اللَّهِ - صَلَّى اللَّهُ عَلَيْهِ وَسَلَّمَ - يَقُولُ: « سَتُصَاحِبُونَ الرُّومَ صُلْحًا آمِنًا، فَتَغْزُونَ أَنْتُمْ وَهُمْ عَدُوًّا مِنْ وِرَائِكُمْ، فَتَنْصُرُونَ وَتَغْنَمُونَ وَتَسْلَمُونَ، ثُمَّ تَرْجِعُونَ حَتَّى تَنْزِلُوا بِمَرْجِ ذِي ثُلُولٍ، فَيَرْفَعُ رَجُلٌ مِنْ أَهْلِ التَّصْرَانِيَّةِ الصَّلِيبَ، فَيَقُولُ: غَلَبَ الصَّلِيبُ! فَيَغْضَبُ رَجُلًا مِنَ الْمُسْلِمِينَ فَيَذُقُهُ، فَعِنْدَ ذَلِكَ تَغْدِرُ الرُّومُ وَتَجْمَعُ لِلْمَلْحَمَةِ ». وفي رواية: فَيَقُومُ إِلَيْهِ رَجُلٌ مِنَ الْمُسْلِمِينَ فَيَقْتُلُهُ، فَعِنْدَ ذَلِكَ تَغْدِرُ الرُّومُ وَتَكُونُ الْمَلَاحِمُ، فَيَجْتَمِعُونَ إِلَيْكُمْ، فَيَأْتُونَكُمْ فِي ثَمَانِينَ غَايَةً، مَعَ كُلِّ غَايَةٍ عَشْرَةُ آلَافٍ. أخرجه أبو داود (109/4، رقم 4292)، وابن ماجه (1369/2، رقم 4089)، وأحمد (91/4، رقم 16872)، وابن حبان (102/15، رقم 6709)، والطبراني (235/4، رقم 4230)، والحاكم (467/4، رقم 8298) وقال: صحيح الإسناد.

Terjemahan:

Dari Jubair bin Nufair katanya: Kami pernah pergi untuk menemui Dhi Mikhbar - seorang sahabat Nabi SAW - hinggalah kami menemuinya. Lalu Jubair pun bertanya tentang perjanjian. Maka katanya: Aku dengar Rasulullah SAW bersabda: "Kalian akan mengadakan satu perjanjian perdamaian dengan bangsa Rom. Lalu kalian akan berkerjasama dengan mereka melawan suatu musuh yang datang dari belakang kalian. Maka kalian akan diberi kemenangan dan selamat, kemudian kalian akan pulang sehinggalah berhenti pada suatu padang rumput yang luas dan berbukit-bukit. Tiba-tiba, ada seorang lelaki daripada kaum Nasrani (Kristian) mengangkat salibnya seraya berkata; "Salib telah menang!". Maka berasa marahlah seorang lelaki dari kalangan kaum muslimin, lalu ia pun menumbuknya. Disebabkan itu, bangsa Rom pun berkhianat dan berhimpun untuk peperangan". Dalam riwayat lain: "Maka seorang lelaki dari kalangan kaum muslimin pun menuju kepadanya, lalu membunuhnya. Disebabkan itu, bangsa Rom pun berkhianat sehingga terjadilah peperangan-peperangan, di mana mereka akan bersatu menghadapi kalian dan datang di bawah 80 panji-panji dan bersama-sama setiap satu panji terdapat 10,000 tentera". (HR. Abu Dawud no: 4292, Ibnu Majah no: 4089, Ahmad no: 16872 dan lain-lain).

7. Sekatan Ekonomi Dari Pihak Kristian

عَنْ أَبِي نَضْرَةَ، قَالَ: كُنَّا عِنْدَ جَابِرِ بْنِ عَبْدِ اللَّهِ فَقَالَ: يُوشِكُ أَهْلُ الْعِرَاقِ أَنْ لَا يُجِبِي إِلَيْهِمْ قَنْبِيرٌ وَلَا دِرْهَمٌ، فَلَنَا: مِنْ أَيْنَ ذَلِكَ؟ قَالَ: مِنْ قِبَلِ الْعَجَمِ، يَمْتَنِعُونَ ذَلِكَ، ثُمَّ قَالَ: يُوشِكُ أَهْلُ الشَّامِ أَنْ لَا يُجِبِي إِلَيْهِمْ دِينَارٌ وَلَا مُدِّيٌّ، فَلَنَا: مِنْ أَيْنَ ذَلِكَ؟ قَالَ: مِنْ قِبَلِ الرُّومِ، ثُمَّ سَكَتَ هُنَيْئَةً، ثُمَّ قَالَ: قَالَ رَسُولُ اللَّهِ صَلَّى اللَّهُ عَلَيْهِ وَسَلَّمَ: «يَكُونُ فِي آخِرِ أُمَّتِي خَلِيفَةٌ يَخْنِي الْمَالَ حَفِيًّا، لَا يُعْذُهُ عَدَدًا» قَالَ فَلْتُ لِأَبِي نَضْرَةَ وَأَبِي الْعَلَاءِ: أَتَرَيَانِ أَنَّهُ عُمَرُ بْنُ عَبْدِ الْعَزِيزِ فَقَالَا: لَا. أخرجه مسلم (5189)، وأحمد (317/3، رقم 14446)، وابن حبان (75/15، رقم 6682)، والحاكم (501/4، رقم 8400).

Terjemahan:

Dari Abu Nadhrah berkata: Kami berada di sisi Jabir bin Abdullah, ia berkata: Hampir sahaja penduduk Iraq tidak akan dibawa masuk kepada mereka sebarang takar makanan mahu pun sekeping dirham. Kami bertanya: Dari manakah puncanya? Beliau menjawab: Dari pihak bangsa 'Ajam, merekalah yang menahannya. Setelah itu beliau berkata: Hampir sahaja penduduk Syam tidak akan dibawa masuk kepada mereka sekeping dinar mahu pun sebarang takar makanan. Kami bertanya: Dari manakah puncanya? Beliau menjawab: Dari pihak bangsa Rom. Kemudian beliau diam sejenak, lalu berkata: Rasulullah SAW bersabda: "Akan ada di akhir umatku nanti seorang khalifah yang membahagi harta tanpa menghitungnya." Aku berkata kepada Abu Nadhrah dan Abu al-'Ala': Apakah kalian berpendapat dia ialah 'Umar bin 'Abdul 'Aziz? Kedua-duanya menjawab: Tidak. (HR Muslim no: 5189, Ahmad no: 14446, Ibn Hibban no: 6682 dan al-Hakim no: 8400)

عَنْ أَبِي هُرَيْرَةَ، قَالَ: قَالَ رَسُولُ اللَّهِ صَلَّى اللَّهُ عَلَيْهِ وَسَلَّمَ: «مَنْعَتِ الْعِرَاقُ دِرْهَمَهَا وَقَفِيرَهَا، وَمَنْعَتِ الشَّامُ مُدِّيَهَا وَدِينَارَهَا، وَمَنْعَتِ مِصْرُ إِزْدَجَا وَدِينَارَهَا، وَعَدْتُمْ مِنْ حَيْثُ بَدَأْتُمْ، وَعَدْتُمْ مِنْ حَيْثُ بَدَأْتُمْ» شَهِدَ عَلَى ذَلِكَ لِحْمِ أَبِي هُرَيْرَةَ وَدَمُهُ. أَخْرَجَهُ مُسْلِمٌ (4/2220، رَقْمٌ 2896)، وَأَبُو دَاوُدَ (3/166)، رَقْمٌ 3035) وَأَحْمَدُ (2/262، رَقْمٌ 7555)، وَغَيْرُهُمْ.

Terjemahan:

Dari Abu Hurairah berkata: Rasulullah SAW bersabda: "Iraq akan menahan dirham dan takaran makanannya, Syam juga akan menahan takaran makanan dan dinarnya, dan Mesir juga akan menahan takaran makanan dan dinarnya. Kamu sekalian akan kembali sepertimana kalian mula dahulu, kamu sekalian akan kembali sepertimana kalian mula dahulu." Abu Hurairah berkata: "Daging dan darah Abu Hurairah bersaksi atas yang demikian ini".

(HR Muslim no: 2896, Abu Dawud no: 3035, Ahmad no: 7555 dan lain-lain)

8. Pertempuran Tentera Kristian dan Tentera Islam

Dinyatakan bahawa al-Malhamah al-Kubra akan terjadi di A'maq atau Dabiq, nama dua buah tempat berdekatan Halab, Syria dan Antakia, Turki. Ini merupakan pertempuran terdahsyat antara tentera Islam dengan tentera Kristian, di mana mereka mengerahkan 80 pasukan tentera yang setiap satu terdiri dari 12,000 tentera. Bermakna mereka mempunyai kekuatan seramai 960,000 orang perajurit.

عَنْ أَبِي هُرَيْرَةَ، أَنَّ رَسُولَ اللَّهِ صَلَّى اللَّهُ عَلَيْهِ وَسَلَّمَ، قَالَ: " لَا تَقُومُ السَّاعَةُ حَتَّى يَنْزِلَ الرُّومُ بِالْأَعْمَاقِ أَوْ بِدَابِقِ، فَيَخْرُجُ إِلَيْهِمْ جَيْشٌ مِنَ الْمَدِينَةِ، مِنْ خِيَارِ أَهْلِ الْأَرْضِ يَوْمَئِذٍ، فَإِذَا تَصَافَوْا، قَالَتِ الرُّومُ: خَلُّوا بَيْنَنَا وَبَيْنَ الدِّينِ سَبْوَا مِمَّا نَفَاتِلُهُمْ، فَيَقُولُ الْمُسْلِمُونَ: لَا، وَاللَّهِ لَا نُحَلِّي بَيْنَكُمْ وَبَيْنَ إِخْوَانِنَا، فَيَقَاتِلُوهُمْ، فَيَنْهَزُهُمْ ثَلَاثٌ لَا يَتُوبُ اللَّهُ عَلَيْهِمْ أَبَدًا، وَيُقْتَلُ ثُلَاثُهُمْ، أَفْضَلُ الشُّهَدَاءِ عِنْدَ اللَّهِ، وَيَفْتَحُ الثُّلَاثُ، لَا يُفْتَنُونَ أَبَدًا فَيَفْتَسِحُونَ فُسْطَاطِيئَهُ، فَبَيْنَمَا هُمْ يَفْتَسِمُونَ الْغَنَائِمَ، قَدْ عَلَقُوا سُيُوفَهُمْ بِالرِّيْتُونَ، إِذْ صَاحَ فِيهِمُ الشَّيْطَانُ: إِنَّ الْمَسِيحَ

قَدْ خَلَفَكُمْ فِي أَهْلِيكُمْ، فَيَخْرُجُونَ، وَذَلِكَ بَاطِلٌ، فَإِذَا جَاءُوا الشَّامَ خَرَجَ، فَبَيْنَمَا هُمْ يُعَدُّونَ لِلْقِتَالِ، يُسْؤُونَ الصُّفُوفَ، إِذْ أُقِيمَتِ الصَّلَاةُ، فَيَنْزِلُ عَيْسَى ابْنُ مَرْيَمَ صَلَّى اللَّهُ عَلَيْهِ وَسَلَّمَ، فَأَتَاهُمْ، فَإِذَا رَأَهُ عَدُوُّ اللَّهِ، ذَابَ كَمَا يَذُوبُ الْمَلْحُ فِي الْمَاءِ، فَلَوْ تَرَكَهُ لَأَنْدَابَ حَتَّى يَهْلِكَ، وَلَكِنْ يَقْتُلُهُ اللَّهُ بِيَدِهِ، فَيُرِيهِمْ دَمَهُ فِي حُرْبَتِهِ." أخرجه مسلم (2221/4، رقم 2897) والحاكم (529/4، رقم 8486) وقال: صحيح على شرط مسلم.

Terjemahan:

Dari Abu Hurairah RA bahwa Rasulullah SAW bersabda: "Tidak akan terjadi hari kiamat hingga bangsa Rom akan turun berhimpun di A'maq atau Dabiq, lalu keluar menghadapi mereka sekelompok askar dari Madinah antara sebaik-baik penduduk bumi ketika itu. Maka tatkala mereka berhadapan, bangsa Rom berkata: 'Biarkanlah kami memerangi orang-orang yang mengambil tawanan daripada kami!' 'Kaum muslimin menjawab: 'Tidak, demi Allah, kami tak akan membiarkan kalian memerangi saudara-saudara kami.' Maka terjadilah peperangan antara mereka. Lalu ada sepertiga yang kalah di mana Allah tak akan mengampuni dosa mereka untuk selamanya, dan sepertiga lagi terbunuh sebagai sebaik-baik para syuhada' di sisi Allah, dan sepertiga lagi akan memperoleh kemenangan. Mereka tak akan ditimpa sebarang fitnah selamanya, lalu mereka akan menakluki Konstantinopel. Kemudian ketika mereka sedang membahagi-bahagi harta rampasan perang di mana mereka telah menggantungkan pedang-pedang mereka pada pohon zaitun, tiba-tiba syaitan meneriak terhadap mereka: 'Sesungguhnya Al-Masih (Dajjal) telah muncul dalam kalangan keluarga kalian', maka mereka pun segera keluar, sedangkan itu hanyalah satu kebohongan. Apabila mereka mendatangi Syam, ia pun muncul. Maka ketika mereka sedang mempersiapkan diri untuk peperangan dan merapikan barisan, tibalah waktu solat. Lalu turunlah Nabi Isa bin Maryam sallallahu 'alaihi wasallam, lalu ia mengimami mereka. Apabila musuh Allah (Dajjal) melihatnya, nescaya ia akan mencair sebagaimana garam mencair di dalam air. Seandainya ia membiarkannya sahaja nescaya ia juga akan mencair sehingga binasa, akan tetapi Allah ingin membunuhnya dengan tangannya, lalu baginda memperlihatkan kepada mereka darahnya yang melekat di tombaknya."

[HR. Muslim no: 2897 dan al-Hakim no: 8486]

Peperangan ini akan terjadi pada masa kemunculan Imam al-Mahdi yang berlaku secara sengit sehingga mengambil masa yang agak panjang dan mengorbankan begitu banyak jiwa.

عن أبي هريرة قال: قال رسول الله - صلى الله عليه وسلم - : تجيش الروم على آل من عترتي، اسمُهُ يواطىء اسمي، فيقبلون بمكانٍ يقالُ له العماق، فيقتتلون، فيقتل من المسلمين الثلث أو نحو ذلك، ثم يقتتلون يوماً آخر، فيقتل من المسلمين نحو ذلك، ثم يقتتلون اليوم الثالث، فيكون على الروم، فلا يزالون حتى يفتحوا القسطنطينية، فبينما هم يقتسمون فيها بالأتربة، إذ أتاهم صارحٌ أن الدجال قد خلفكم في ذراريكم. (رواه الخطيب في المتفق والمفترق بسند حسن)

Terjemahan:

Dari Abu Hurairah RA bahwa Rasulullah SAW bersabda: "Bangsa Rom akan bersiap untuk memerangi seorang pemerintah dari kalangan keturunanku, yang namanya sama dengan namaku. Lalu mereka bertembung

di suatu tempat yang dinamakan 'Ammaq. Maka mereka pun berperang hingga terbunuh dari kalangan kaum muslimin sebanyak sepertiga atau seumpama jumlah itu. Kemudian mereka berperang lagi pada hari yang lain, hingga terbunuh dari kalangan kaum muslimin sebanyak jumlah tadi. Kemudian mereka berperang lagi pada hari yang ketiga hingga dapat mengatasi Rom. Mereka terus berjuang sehingga mereka berjaya menakluki Konstantinopel. Maka ketika mereka membahagi-bahagikan rampasan di sana dengan perisai, tiba-tiba datang seseorang yang menyeru: 'Sesungguhnya Dajjal telah muncul dalam kalangan keluarga kalian'." [HR al-Khatib dalam *al-Muttafaq wa al-Muftaraq* no: 68]

عَنْ يُسَيْرِ بْنِ جَابِرٍ، قَالَ: هَاجَتْ رِيحٌ حَمْرَاءُ بِالْكُوفَةِ، فَجَاءَ رَجُلٌ لَيْسَ لَهُ هِجْرِي إِلَّا: يَا عَبْدَ اللَّهِ بْنَ مَسْعُودٍ جَاءَتْ السَّاعَةُ، قَالَ: فَقَعَدَ وَكَانَ مُتَّكِنًا، فَقَالَ: إِنَّ السَّاعَةَ لَا تَقُومُ، حَتَّى لَا يُقَسَمَ مِيرَاثٌ، وَلَا يُفْرَحَ بِغَنِيمَةٍ، ثُمَّ قَالَ يَدِيهِ هَكَذَا - وَنَحَاهَا نَحْوَ الشَّامِ - فَقَالَ: عَدُوٌّ يَجْمَعُونَ لِأَهْلِ الْإِسْلَامِ، وَيَجْمَعُ هُمْ أَهْلَ الْإِسْلَامِ، ثَلُثُ: الرُّومُ تَعْنِي؟ قَالَ: نَعَمْ، وَتَكُونُ عِنْدَ ذَاكُمْ الْقِتَالِ رَدَّةً شَدِيدَةً، فَيَشْتَرِطُ الْمُسْلِمُونَ شَرْطَةَ الْمَوْتِ لَا تَرْجِعُ إِلَّا غَالِبَةً، فَيَقْتَتِلُونَ حَتَّى يَخْجُرَ بَيْنَهُمُ اللَّيْلُ، فَيَفِيءُ هَوْلَاءُ وَهَوْلَاءُ، كُلٌّ غَيْرُ غَالِبٍ، وَتَفِيءُ الشَّرْطَةُ، ثُمَّ يَشْتَرِطُ الْمُسْلِمُونَ شَرْطَةَ الْمَوْتِ، لَا تَرْجِعُ إِلَّا غَالِبَةً، فَيَقْتَتِلُونَ حَتَّى يَخْجُرَ بَيْنَهُمُ اللَّيْلُ، فَيَفِيءُ هَوْلَاءُ وَهَوْلَاءُ، كُلٌّ غَيْرُ غَالِبٍ، وَتَفِيءُ الشَّرْطَةُ، ثُمَّ يَشْتَرِطُ الْمُسْلِمُونَ شَرْطَةَ الْمَوْتِ، لَا تَرْجِعُ إِلَّا غَالِبَةً، فَيَقْتَتِلُونَ حَتَّى يَمْسُوا، فَيَفِيءُ هَوْلَاءُ وَهَوْلَاءُ، كُلٌّ غَيْرُ غَالِبٍ، وَتَفِيءُ الشَّرْطَةُ، فَإِذَا كَانَ يَوْمَ الرَّابِعِ، نَهَدَ إِلَيْهِمْ بَقِيَّةَ أَهْلِ الْإِسْلَامِ، فَيَجْعَلُ اللَّهُ الدَّبْرَةَ عَلَيْهِمْ، فَيَقْتَتِلُونَ مَقْتَلَةً - إِذَا قَالَ: لَا يُرَى مِثْلَهَا، وَإِنَّمَا قَالَ: لَمْ يَرِ مِثْلَهَا - حَتَّى إِنَّ الطَّائِرَ لَيَمُرُّ بِجَنَابَتِهِمْ، فَمَا يُخْلِفُهُمْ حَتَّى يَخْرُ مِثْنًا، فَيَتَعَادُ بَنُو الْأَبِ، كَانُوا مِائَةً، فَلَا يَجِدُونَهُ بَقِيٍّ مِنْهُمْ إِلَّا الرَّجُلَ الْوَاحِدَ، فَيَأْتِي غَنِيمَةً يُفْرَحُ؟ أَوْ أَيُّ مِيرَاثٍ يُقَاسَمُ، فَيَبْنِي مَا هُمْ كَذَلِكَ إِذْ سَمِعُوا بِبَأْسِ، هُوَ أَكْبَرُ مِنْ ذَلِكَ، فَجَاءَهُمُ الصَّرِيحُ، إِنَّ الدَّجَالَ قَدْ خَلَفَهُمْ فِي دَرَارِيِّهِمْ، فَيَرْتَفِضُونَ مَا فِي أَيْدِيهِمْ، وَيُقْبَلُونَ، فَيَبْعَثُونَ عَشْرَةَ فَوَارِسَ طَلِيعَةً، قَالَ رَسُولُ اللَّهِ صَلَّى اللَّهُ عَلَيْهِ وَسَلَّمَ: «إِنِّي لَأَعْرِفُ أَسْمَاءَهُمْ وَأَسْمَاءَ آبَائِهِمْ، وَأَلْوَانَ خِيُولِهِمْ، هُمْ خَيْرُ فَوَارِسَ عَلَى ظَهْرِ الْأَرْضِ يَوْمَئِذٍ - أَوْ مِنْ خَيْرِ فَوَارِسَ عَلَى ظَهْرِ الْأَرْضِ يَوْمَئِذٍ -». أخرجه مسلم (2223/4)، رقم (2899) وأحمد (384/1)، رقم (3643)، وغيرهما.

Terjemahan:

Dari Yusair bin Jabir berkata: Pernah angin merah bertiup begitu kencang di Kufah, lalu datang seorang lelaki yang tidak memiliki kebiasaan lain selain berkata: "Wahai 'Abdullah bin Mas'ud, kiamat telah tiba!" Yusair bercerita: Ibnu Mas'ud terus segera duduk sedang sebelumnya beliau hanya bersandar, lalu berkata: "Sesungguhnya kiamat tidak akan terjadi sehingga harta warisan tidak lagi dibahagi-bahagi dan harta rampasan tidak lagi menggembirakan". Setelah itu, beliau berisyarat dengan tangannya seperti demikian, yaitu menunjukkannya ke arah Syam, lalu berkata: "Ada satu musuh yang akan berkumpul untuk menghadapi kaum muslimin dan kaum muslimin juga berkumpul untuk menghadapi mereka". Aku bertanya: "Rom yang tuan maksudkan?" Beliau menjawab: "Ya, dan akan terjadi saat peperangan itu serang balas yang amat sengit sekali. Maka, kaum muslimin pun menyusun sekelompok pasukan berani mati yang tidak boleh kembali kecuali dalam keadaan menang. Mereka pun berperang sehinggalah tiba waktu malam menghalang mereka, lalu masing-masing pun kembali berlindung dan kedua-dua pihak tiada yang menang, sedang sekelompok

pasukan tadi pula habis tewas. Kemudian, kaum muslimin menyusun lagi sekelompok pasukan berani mati yang tidak boleh kembali kecuali dalam keadaan menang. Mereka pun berperang lagi sehinggalah waktu malam menghalang mereka, lalu masing-masing pun kembali lagi berlindung dan kedua-dua pihak masih lagi tiada yang menang, sedang sekelompok pasukan tadi pula habis tewas. Kemudian, kaum muslimin menyusun lagi sekelompok pasukan berani mati yang tidak boleh kembali kecuali dalam keadaan menang. Mereka pun berperang lagi sehingga tiba waktu malam, lalu masing-masing pun kembali lagi berlindung dan kedua-dua pihak juga masih tiada yang menang, sedang sekelompok pasukan tadi pula habis tewas. Maka apabila tiba hari keempat, baki kaum muslimin yang masih ada telah bangkit menentang mereka, lalu Allah pun menjadikan kekalahan buat mereka. Mereka telah membunuh musuh dengan jumlah kematian yang tidak akan lagi dapat dilihat seumpamanya - atau pun perawi berkata: ...yang belum pernah lagi dilihat seumpamanya - hinggakan jika ada burung yang terbang melintasi penjuru-penjuru mayat mereka sahaja tidak akan melepasi mereka melainkan ia pasti akan jatuh tersungkur mati. Maka, ada kabilah yang menghitung ahli mereka (yang berperang) yang mulanya berjumlah seratus orang, namun mereka tidak menemui orang yang masih hidup daripada mereka kecuali hanya satu orang sahaja. Justeru, dengan harta rampasan yang mana yang akan membuat rasa gembira atau harta pusaka yang mana yang akan dapat dibahagi-bahagi? Sementara mereka di saat seperti itu, tiba-tiba mereka mendengar pula satu ancaman yang lebih besar dari itu. Lalu datang kepada mereka orang yang menyeru bahawa Dajjal telah pun muncul di kalangan keluarga mereka. Lantas mereka pun segera membuang apa yang ada di tangan mereka dan terus pulang. Setelah itu, mereka mengutus sepuluh orang pahlawan berkuda ke baris hadapan". Rasulullah SAW bersabda: "Sesungguhnya aku mengetahui nama-nama mereka, nama-nama bapa mereka dan warna kuda-kuda mereka. Mereka adalah pahlawan yang terbaik di atas muka bumi pada masa itu - atau: ...antara pahlawan yang terbaik di atas muka bumi pada masa itu -." (HR Muslim no: 2899, Ahmad no: 3643 dan lain-lain)

Dalam hadis di atas dan hadis-hadis sebelumnya digambarkan beberapa peralatan perang klasik seperti kuda, pedang dan tombak. Berdasarkan zahir hadis, tidak mustahil ianya memang berbentuk hakiki dan bukannya majazi. Jika ia secara hakiki, maka tidak mustahil jika akan terjadi pada masa itu kekurangan berbagai sumber penting, kehabisan tenaga asas dan kegagalan fungsi berbagai sistem teknologi. Allah SWT yang memberinya kepada kita, maka Dia juga berkuasa untuk menariknya semula.

عن نَحْيِكَ بنِ صُرَيْمٍ قَالَ: قَالَ رَسُولُ اللَّهِ صَلَّى اللَّهُ عَلَيْهِ وَسَلَّمَ: لَتُقَاتِلَنَّ الْمَشْرِكِينَ حَتَّى تُقَاتَلَ بِقَيْثِكُمْ عَلَى نَهْرِ الْأُرْدُنِ الدَّجَالَ أَنْتُمْ شَرْقِيُّهُ وَهُمْ غَرْبِيُّهُ. قَالَ: وَلَا أَعْلَمُ أَيْنَ الْأُرْدُنِ يَوْمَئِذٍ مِنَ الْأَرْضِ. أَخْرَجَهُ الطَّبْرَانِيُّ كَمَا فِي مَجْمَعِ الزَّوَائِدِ لِلْهَيْثَمِيِّ (349/7) وَقَالَ: رَوَاهُ الطَّبْرَانِيُّ وَالْبَزَارِيُّ، وَرَجُلٌ الْبَزَارِيُّ ثِقَاتٌ. وَأُورِدَهُ الْحَافِظُ فِي الْإِصَابَةِ (476/6) وَعَزَاهُ لِلطَّبْرَانِيِّ وَابْنِ مَنْدَه. وَفِي لَفْظِ الطَّبْرَانِيِّ فِي الْأَوْسَطِ: لَا تَزَالُونَ تُقَاتِلُونَ الْكُفَّارَ... الخ.

Terjemahan:

Dari Nahik bin Suraim katanya: Sabda Rasulullah SAW: “Kamu akan berperang dengan kaum musyrikin sehinggalah baki kamu yang masih tinggal akan memerangi Dajjal di atas sungai Jordan, kamu di sisi timurnya dan mereka di sisi baratnya.” Kata Nahik: Dan aku tidak tahu pun di mana letaknya bumi Jordan pada waktu itu.

(HR at-Tabarani. Kata al-Haythami dalam *Majma' az-Zawa'id*: Ia riwayat at-Tabarani dan al-Bazzar, dan para perawi al-Bazzar adalah thiqah)

9. Pembukaan Konstantinople

عَنْ مُعَاذِ بْنِ جَبَلٍ قَالَ قَالَ رَسُولُ اللَّهِ -صَلَّى اللَّهُ عَلَيْهِ وَسَلَّمَ- «عُمَرَانُ بَيْتُ الْمَقْدِسِ خَرَابٌ يَثْرِبُ، وَخَرَابٌ يَثْرِبُ خُرُوجُ الْمَلْحَمَةِ، وَخُرُوجُ الْمَلْحَمَةِ فَتُحُفُّ قُسْطَنْطِينِيَّةً، وَفَتْحُ الْقُسْطَنْطِينِيَّةِ خُرُوجُ الدَّجَالِ». أخرجه أبو داود (110/4، رقم 4294)، وابن أبي شيبة (491/7، رقم 37477)، وأحمد (245/5، رقم 22174)، والطبراني (108/20، رقم 214).

Terjemahan:

Dari Muaz ibn Jabal r.a: Rasulullah s.a.w bersabda: "Pemakmuran Baitul Maqdis merupakan tanda kehancuran Yathrib, kehancuran Yathrib merupakan tanda permulaan al-malhamah, permulaan al-malhamah merupakan tanda pembebasan Konstantinopel, pembebasan Konstantinopel merupakan tanda kemunculan Dajjal". (HR. Abu Dawud no: 4294, Ibn Abi Syaybah no: 37477, Ahmad no: 22174 dan al-Tabarani no: 214)

عَنْ أَبِي هُرَيْرَةَ، أَنَّ النَّبِيَّ صَلَّى اللَّهُ عَلَيْهِ وَسَلَّمَ، قَالَ: «سَمِعْتُمْ بِمَدِينَةِ حَانِبٍ مِنْهَا فِي الْبَرِّ وَحَانِبٍ مِنْهَا فِي الْبَحْرِ؟» قَالُوا: نَعَمْ، يَا رَسُولَ اللَّهِ قَالَ: " لَا تَقُومُ السَّاعَةُ حَتَّى يَغْزَوْهَا سَبْعُونَ أَلْفًا مِنْ بَنِي إِسْحَاقَ، فَإِذَا جَاءَهَا نَزَلُوا، فَلَمْ يُقَاتِلُوا بِسِلَاحٍ وَلَمْ يَرْمُوا بِسَهْمٍ، قَالُوا: لَا إِلَهَ إِلَّا اللَّهُ وَاللَّهِ أَكْبَرُ، فَيَسْقُطُ أَحَدُ جَانِبَيْهَا - قَالَ تَوْرًا: لَا أَعْلَمُهُ إِلَّا قَالَ - الَّذِي فِي الْبَحْرِ، ثُمَّ يَقُولُوا الثَّانِيَةَ: لَا إِلَهَ إِلَّا اللَّهُ وَاللَّهِ أَكْبَرُ، فَيَسْقُطُ جَانِبُهَا الْآخَرُ، ثُمَّ يَقُولُوا الثَّلَاثَةَ: لَا إِلَهَ إِلَّا اللَّهُ وَاللَّهِ أَكْبَرُ، فَيُفْرَجُ هُمْ، فَيَدْخُلُوهَا فَيَغْتَنِمُوا، فَبَيْنَمَا هُمْ يَقْتَسِمُونَ الْمَغَانِمَ، إِذْ جَاءَهُمُ الصَّرِيحُ، فَقَالَ: إِنَّ الدَّجَالَ قَدْ خَرَجَ، فَيَبْتَغُونَ كُلَّ شَيْءٍ وَيَرْجِعُونَ ". أخرجه مسلم (2238/4)، رقم 2920). والحاكم (523/4، رقم 8469) وقال: يقال: إن هذه المدينة هي القسطنطينية، قد صحت الرواية أن فتحها مع قيام الساعة. اهـ

Terjemahan:

Dari Abu Hurairah RA bahawasanya Nabi SAW bersabda: "Pernahkah kalian mendengar suatu kota yang terletak sebahagiannya di darat dan sebahagiannya di laut?" Para sahabat menjawab: "Ya, wahai Rasulullah". Rasulullah meneruskan: "Tidak akan terjadi hari kiamat sehingga ia diserang oleh 70,000 orang daripada Bani Ishaq (iaitu kumpulan bangsa Rom yang Islam). Ketika mereka telah sampai di sana, mereka pun memasukinya. Namun, mereka tidak bertempur dengan sebarang senjata pun dan tidak juga melepaskan satu anak panah. Mereka hanya mengucapkan: La ilaha illallah, wallahu akbar. Lalu, jatuhlah salah satu bahagian kota itu - berkata Thaur, perawi hadis ini: Saya tidak tahu kecuali sabda baginda: - iaitu bahagian yang berada di laut. Kemudian mereka berkata lagi kali kedua: La ilaha illallah, wallahu akbar. Maka, jatuhlah

pula bahagian yang lain (bahagian yang berada di darat). Kemudian mereka berkata lagi kali ketiga: *La ilaha illallah, wallahu akbar*. Maka, terbukalah kota itu buat mereka. Lalu mereka pun memasukinya dan mendapatkan harta rampasan perang. Ketika mereka sedang membahagi-bahagikan harta rampasan tersebut, tiba-tiba datanglah kepada mereka seorang yang menyeru berkata, 'Sesungguhnya Dajjal telah pun keluar'. Lantas mereka pun meninggalkan segala-galanya dan segera kembali.'" (HR. Muslim no: 7517 dan al-Hakim no: 8469)

Ulama berselisih pandangan tentang pernyataan pasukan tentera 'daripada Bani Ishaq' di atas. Jika riwayat tersebut benar, maka ia bermaksud kumpulan bangsa Rom yang telah memeluk Islam sebagaimana pandangan Imam Ibn Kathir. Ini sesuai dengan zahir hadis kerana bangsa Rom adalah daripada Bani Ishaq. Manakala sebahagian ulama berpandangan, kemungkinan perawi tersilap kerana lafaz yang sepatutnya ialah Bani Isma'il yang merujuk kepada bangsa Arab dan mereka bukan Bani Ishaq. Ini dikuatkan lagi dengan riwayat-riwayat yang menunjukkan kebangkitan bangsa Arab pada masa itu.¹ Antara kedua-dua pandangan ini tidak dapat dipastikan mana yang lebih tepat. Wallahu a'lam.

Kemungkinan mereka adalah ahli kitab yang memeluk Islam selepas turunnya Nabi 'Isa AS seperti yang dinyatakan dalam al-Quran:

وَإِن مِّنْ أَهْلِ الْكِتَابِ إِلَّا لَيُؤْمِنَنَّ بِهِ قَبْلَ مَوْتِهِ ۗ وَيَوْمَ الْقِيَامَةِ يَكُونُ عَلَيْهِمْ شَهِيدًا ۝

Terjemahan:

"Dan tidak ada seorang pun dari kalangan ahli Kitab melainkan ia akan beriman kepada Nabi 'Isa sebelum matinya dan pada hari kiamat kelak Nabi 'Isa akan menjadi saksi terhadap mereka." (an-Nisa' 4: 159)

Kemungkinan lagi timbul persoalan, apakah yang dimaksudkan ialah pembukaan Konstantinopel oleh Sultan Muhammad al-Fatih yang telah menguburkan Empayar Byzantine pada tahun 1453M (857H)? Berdasarkan hadis-hadis dalam isu ini menunjukkan pembukaan Konstantinopel merupakan salah satu tanda hampirnya hari kiamat. Menurut as-Sayyid Muhammad Rasul al-Barzanji (w. 1103H) dalam kitabnya *al-Isya'ah li Asyrat al-Sa'ah*, Konstantinopel yang dimaksudkan bukan Konstantinople yang ditakluk itu kerana ia sudah menjadi negara Islam, tetapi maksudnya ialah Konstantinopel Besar (*Qustantiniyyah al-Kubra*). as-Sayyid Muhammad Rasul al-Barzanji memetik daripada pengarang kitab *Iqd al-Durar* bahawa Konstantinopel Besar bersambung dengan negara-negara *Rumiyyah* (Rome) dan *Andalus* (Spain). *Rumiyyah* ialah ibu negara-negara bangsa Rom dan orang yang memerintahnya dipanggil *al-Bab* (Pope), iaitu pemerintah tertinggi bagi agama Nasrani (Kristian) sepertimana kedudukan khalifah bagi kaum muslimin.² Gambaran ini pada masa sekarang boleh jadi

¹ Wa'il Ibrahim Mahmud al-'Asud, 2008, *al-Ahadith al-Waridah fi al-Malhamah al-Kubra* – 'Amman: Dar al-Furqan, h. 297 & 307. Muhammad 'Abd al-Rahman al-'Arifi, 2011, *Nihayah al-'Alam: Asyrat al-Sa'ah al-Sughra wa al-Kubra*, cet. 10, Riyadh: Dar al-Tadmuriyyah, h. 157.

² as-Sayyid Muhammad Rasul al-Barzanji, 1997, *al-Isya'ah li Asyrat al-Sa'ah*, Jeddah: Dar al-Minhaj, h. 219 & 222.

merujuk kepada Vatican City, iaitu pusat utama bagi agama Kristian sedunia dekat Rome, Itali.

Penaklukan Konstantinopel ini termasuk antara penaklukan yang unik, kerana negeri itu berhasil dikuasai oleh kaum muslimin tanpa senjata, melainkan dengan tahlil dan takbir sebagaimana dijelaskan dalam hadis. Menurut Dr. Syaraf al-Qudhah pula, maksud pembukaan Konstantinopel ini ialah pembukaan Konstantinopel kali yang kedua di mana akan gugurnya sistem sekular di negara tersebut (yakni di Turki). Maka, sebab itu ia berjaya ditakluk tanpa sebarang senjata, tetapi dengan tahlil dan takbir kerana penduduknya memang sudah pun Islam.¹

Kedua-dua pandangan ini mungkin dapat disatukan di mana akan berlaku kedua-dua pembukaan sekaligus, iaitu pembukaan Konstantinopel kali kedua (Istanbul) dan pembukaan Konstantinopel Besar (Rome). Wallahu a‘lam. Buktinya terdapat hadis-hadis yang menggambarkan kedua-dua pembukaan tersebut iaitu:

عن عَبْدِ اللَّهِ بْنِ عَمْرٍو رَضِيَ اللَّهُ عَنْهُمَا، قَالَ: بَيْنَمَا نَحْنُ حَوْلَ رَسُولِ اللَّهِ صَلَّى اللَّهُ عَلَيْهِ وَسَلَّمَ نَكْتُبُ، إِذْ سُرِعَ رَسُولُ اللَّهِ صَلَّى اللَّهُ عَلَيْهِ وَسَلَّمَ: أَيُّ الْمَدِينَتَيْنِ تُفْتَحُ أَوْلًا: قُسْطَنْطِينِيَّةٌ أَوْ رُومِيَّةٌ؟ فَقَالَ النَّبِيُّ صَلَّى اللَّهُ عَلَيْهِ وَسَلَّمَ: «مَدِينَةُ هِرَقْلٍ تُفْتَحُ أَوْلًا» يَعْنِي قُسْطَنْطِينِيَّةً. أَخْرَجَهُ أَحْمَدُ (6645) وَالدَّارِمِيُّ (503) وَالْحَاكِمُ (8662) وَقَالَ: صَحِيحٌ عَلَى شَرْطِ الشَّيْخَيْنِ، وَوَافَقَهُ الذَّهَبِيُّ.

Terjemahan:

Dari 'Abdullah bin 'Amr r.a. berkata: 'Sewaktu kami berada di sekeliling Rasulullah SAW kami menulis (hadis-hadis) tiba-tiba Rasulullah SAW ditanya: Manakah antara dua kota yang pertama sekali akan ditaklukkan, Konstantinopel atau Rumiyyah (Rome)?' Lalu Nabi SAW menjawab: "Kota Hiraql (Heraclius) yang akan dibuka terlebih dahulu", iaitu Konstantinopel. (HR Ahmad no: 6645, al-Darimi no: 503 dan al-Hakim no: 8662)

روي عن عمرو بن عوف مرفوعاً قال: لا تقوم الساعة حتى يفتح الله عز وجل على المؤمنين القسطنطينية والرومية بالتسبيح والتكبير. رواه الديلمي في مسند الفردوس بسند ضعيف.

Terjemahan:

Dari 'Amru bin 'Auf secara marfu' sabda baginda SAW: "Kiamat tidak akan terjadi sehinggalah Allah 'azza wajalla membukakan ke atas orang mukminin kota Kostantinopel dan Rumiyyah (Rome) dengan tasbih dan takbir". (HR al-Dailami)

Terdapat hadis yang menentukan tempoh antara al-Malhamah al-Kubra, pembebasan Kostantinopel dan kemunculan Dajjal iaitu;

عَنْ مُعَاذِ بْنِ جَبَلٍ قَالَ قَالَ رَسُولُ اللَّهِ -صلى الله عليه وسلم-: « الْمَلْحَمَةُ الْكُبْرَى وَفَتْحُ الْقُسْطَنْطِينِيَّةِ وَخُرُوجُ الدَّجَالِ فِي سَبْعَةِ أَشْهُرٍ ». أَخْرَجَهُ أَبُو دَاوُدَ (110/4)، وَالتِّرْمِذِيُّ (509/4)، وَرَقْمُ (2238) وَقَالَ: حَسَنٌ غَرِيبٌ، وَابْنُ مَاجَةَ (1370/2)، وَرَقْمُ (4092)، وَأَحْمَدُ (234/5)، وَرَقْمُ (22098)، وَالْحَاكِمُ (473/4)، وَرَقْمُ (8313)، وَالطَّبْرَانِيُّ (91/20)، وَرَقْمُ (173).

¹ Dr. Syaraf al-Qudhah, 2009, *Kharitah al-Mustaqbal fi al-Hadith al-Nabawi (Ahadith al-Mubasyiyat wa al-Fitan)*, edisi kedua, Amman, Jordan, h. 35-36.

Terjemahan:

Dari Muaz ibn Jabal r.a.: Rasulullah s.a.w bersabda: "Al-Malhamah al-Kubra, pembebasan Kostantinopel dan kemunculan Dajjal adalah dalam tempoh 7 bulan".

(HR. Abu Dawud no: 4295, al-Tirmizi no: 2238, Ibn Majah no: 4092, Ahmad no: 22098 dan lain-lain)

Namun, dalam riwayat lain disebut:

عَنْ عَبْدِ اللَّهِ بْنِ بُسْرِ أَنَّ رَسُولَ اللَّهِ -صلى الله عليه وسلم- قَالَ: « بَيْنَ الْمَلْحَمَةِ وَفَتْحِ الْمَدِينَةِ سِتُّ سِنِينَ وَيَخْرُجُ الْمَسِيحُ الدَّجَالُ فِي السَّاعَةِ ». أخرجه أبو داود (110/4، رقم 4296)، وابن ماجه (1370/2، رقم 4093)، وأحمد (189/4، رقم 17727)، والبخاري (431/8، رقم 3505) وغيرهم، وسنده حسن.

Terjemahan:

Dari 'Abdullah ibn Busr r.a.: bahawa Rasulullah s.a.w bersabda: "Antara al-Malhamah dan pembebasan kota itu adalah dalam tempoh 6 tahun dan al-Masih Dajjal akan muncul pada tahun yang ketujuh". (HR. Abu Dawud no: 4296, Ibn Majah no: 4093, Ahmad no: 17727, al-Bazzar no: 3505 dan lain-lain)

Kemungkinan akan berlaku banyak *al-malhamah*, bermula dengan *al-malhamah* yang pertama hingga *al-malhamah* yang terakhir, sebab itu ia juga disebut secara jamak '*al-malahim*'. Maka, hadis 'Abdullah ibn Busr r.a. ini dapat ditafsirkan bahawa jarak antara *al-malhamah* yang pertama dengan pembebasan Konstantinopel itu adalah dalam tempoh 6 tahun. Manakala antara *al-malhamah* yang terakhir yang merupakan *al-Malhamah al-Kubra*, pembebasan Kostantinopel dan kemunculan Dajjal adalah dalam tempoh 7 bulan, iaitu hingga masuk tahun yang ketujuh.¹

10. Saat Kehancuran Pihak Kristian

عَنْ الْمُسْتَوْدِقِ قَالَ سَمِعْتُ رَسُولَ اللَّهِ -صلى الله عليه وسلم- يَقُولُ « أَشَدُّ النَّاسِ عَلَيْكُمْ الرُّومُ وَإِنَّمَا هَلَكْتُمْ مَعَ السَّاعَةِ ». أخرجه أحمد (230/4، رقم 18052). قال الهيثمي (212/6): فيه ابن طيبة، وفيه ضعف وحديثه حسن، وبقية رجاله رجال الصحيح. اهـ، وحسنه السيوطي في الجامع الصغير.

Terjemahan:

Dari al-Mustaurid r.a.: katanya: Aku dengar Rasulullah s.a.w bersabda: "Manusia yang paling keras ke atas kamu sekalian ialah bangsa Rom. Akan tetapi kehancuran mereka adalah bersama hari kiamat". (HR. Ahmad no: 18052)

عن أبي هريرة رضي الله عنه عن رسول الله صلى الله عليه وسلم قال: لا تقوم الساعة حتى ينزل فيكم ابن مريم حكما مقسطا، فيكسر الصليب ويقتل الخنزير ويضع الجزية، ويبيض المال حتى لا يقبله أحد. متفق عليه

¹ Wa'il Ibrahim Mahmud al-'Asud, 2008, *al-Ahadith al-Waridah fi al-Malhamah al-Kubra* - 'Amman: Dar al-Furqan, h. 353-355.

Dari Abu Hurairah RA dari Rasulullah SAW bersabda: "Tidak akan terjadi kiamat sehingga turun kepada kamu sekalian Isa bin Maryam sebagai hakim yang adil. Maka, dia akan menghancurkan salib, membunuh babi, mengenakan jizyah dan harta akan melimpah ruah sehingga tidak ada seorang pun yang mahu menerimanya". (HR al-Bukhari dan Muslim)

Keterangan Nabi Isa AS akan menghancurkan salib dan mengenakan jizyah itu memberi isyarat berakhirnya pengaruh kuasa Kristian pada masa itu. Orang-orang Kristian yang tidak mahu memeluk Islam akan dikenakan jizyah ke atas mereka setelah sekian lama kewajipan tersebut tergendala.

11. Jaminan Kemenangan Untuk Tentera Islam

عَنْ جَابِرِ بْنِ سَمُرَةَ، عَنْ نَافِعِ بْنِ عُمَيْرٍ، قَالَ: كُنَّا مَعَ رَسُولِ اللَّهِ صَلَّى اللَّهُ عَلَيْهِ وَسَلَّمَ، فِي غَزْوَةٍ، قَالَ: فَأَتَى النَّبِيَّ صَلَّى اللَّهُ عَلَيْهِ وَسَلَّمَ، قَوْمٌ مِنْ قِبَلِ الْمَغْرِبِ، عَلَيْهِمْ ثِيَابُ الصُّوفِ، فَوَافَقُوهُ عِنْدَ أَكْمَةٍ، فَأَيَّاهُمْ لَقِيَاهُمْ وَرَسُولُ اللَّهِ صَلَّى اللَّهُ عَلَيْهِ وَسَلَّمَ قَاعِدٌ، قَالَ: فَقَالَتْ لِي نَفْسِي: اتَّبِعْتُمْ قَوْمَ بَيْنَهُمْ وَبَيْنَهُ لَا يَغْتَالُونَ، قَالَ: ثُمَّ قُلْتُ: لَعَلَّهُ نَجِيٌّ مَعَهُمْ، فَأَتَيْتُهُمْ فَقُمْتُ بَيْنَهُمْ وَبَيْنَهُ، قَالَ: فَحَفِظْتُ مِنْهُ أَرْبَعَ كَلِمَاتٍ، أَعَدُّهُنَّ فِي يَدَيَّ، قَالَ: «تَغْزُونَ جَزِيرَةَ الْعَرَبِ فَيَفْتَحُهَا اللَّهُ، ثُمَّ فَارِسَ فَيَفْتَحُهَا اللَّهُ، ثُمَّ تَغْزُونَ الرُّومَ فَيَفْتَحُهَا اللَّهُ، ثُمَّ تَغْزُونَ الدَّجَالَ فَيَفْتَحُهَا اللَّهُ» قَالَ: فَقَالَ نَافِعٌ: يَا جَابِرُ، لَا تَرَى الدَّجَالَ يَخْرُجُ، حَتَّى تُفْتَحَ الرُّومُ. أخرجه مسلم (4/2225، رقم 2900) وأحمد (4/337، رقم 18994)، وغيرهما.

Terjemahan:

Dari Jabir bin Samurah dari Nafi' bin Utbah berkata: Kami pernah bersama Rasulullah SAW dalam suatu peperangan. Ia (Nafi') bercerita: Maka ada suatu kaum dari sebelah Maghrib datang menemui Nabi SAW dan mereka itu memakai baju bulu. Mereka menemui baginda dekat dengan sebuah bukit. Mereka berdiri sementara Rasulullah SAW duduk. Ia berkata lagi: Hatiku berkata: Datangilah mereka dan berdirilah di antara mereka dan baginda SAW agar mereka tidak mengapa-apakan baginda. Lalu aku berkata: Mungkin baginda berbicara sulit dengan mereka. Maka aku pun mendatangi mereka, lalu aku berdiri di antara mereka dan baginda. Aku menghafal empat kalimat dari baginda, aku menghitungnya dengan tanganku. Baginda bersabda: "Kamu sekalian akan memerangi semenanjung Arab lalu Allah akan menaklukkannya, setelah itu Parsi lalu Allah akan menaklukkannya, selanjutnya kalian akan memerangi Dajjal lalu Allah akan menaklukkannya juga." Kemudian Nafi' berkata: "Wahai Jabir, kami tidak berpendapat Dajjal akan muncul sehinggalah Rom ditakluki."

(HR Muslim no: 2900, Ahmad no: 18994 dan lain-lain)

12. Rumusan

Menurut akidah Islam, perkhabaran-perkhabaran dari Baginda Nabi SAW bukanlah berupa ramalan-ramalan yang boleh jadi akan berlaku dan boleh jadi tidak. Ia bukan bersifat ramalan atau sekadar bayangan semata-mata, akan tetapi ia merupakan perkhabaran wahyu yang benar yang pasti akan berlaku. Sejarah dan realiti semasa telah membuktikan bahawa hubungan Islam-Kristian sentiasa berada dalam konflik yang tidak berkesudahan, sama

ada secara jelas nyata mahupun secara halus. Hakikat ini bukanlah sekadar untuk disimpan semata-mata sebagai maklumat, tetapi jauh lebih penting dari itu ialah bagaimana persediaan setiap individu muslim dalam mengharungi arus kehidupan dan menghadapi dunia akhir zaman yang kian mencabar baik dari sudut fizikal mahupun spiritual. Seorang muslim yang bijak mesti mengetahui peranan dirinya terhadap agama dan masyarakat. Ia bukan sahaja wajib memperbaiki dirinya, malah perlu mengajak orang lain juga untuk mempersiapkan diri. Apakah jiwa kita sentiasa siap sedia untuk berjihad fi sabilillah atau masih rasa takut dan tidak ambil peduli? Ia wajar mengetahui bahawa orang yang kecundang dalam ujian ini kedudukannya tidak akan selesai di akhirat kelak.

Sewajarnya sikap dan pendirian umat Islam juga perlu jelas terhadap kuasa-kuasa Amerika, Britain serta sekutu-sekutu mereka yang dianggap sebagai kuasa besar Kristian yang dilihat mendominasi dunia pada masa kini. Namun, ia bukan faktor untuk kita tidak melaksanakan agenda-agenda dakwah terhadap penduduk negara-negara terbabit selamamana situasi aman masih kekal dijaga. Hadis-hadis *al-Malhamah al-Kubra* tersebut tidak sepatutnya menjadi penghalang untuk umat Islam menyebarkan dakwah Islam kepada para penganut Kristian yang segelintirnya masih dahagakan ilmu dan kebenaran. Tidak juga dinafikan bahawa ada segelintir orang Islam yang begitu bersemangat tinggi memahami hadis-hadis ini secara membuta tuli yang mendorong mereka menubuhkan atau menyertai kumpulan-kumpulan jihad bersenjata yang terlalu radikal dan ekstrem dengan harapan atau sangkaan merenalah orang yang dimaksudkan oleh hadis-hadis berkenaan. Ada juga yang mendakwa kononnya *al-Malhamah al-Kubra* kini benar-benar sedang berlaku dan umat Islam berada di ambang kiamat yang bakal menjelang pada bila-bila masa sahaja. Maka, sewenang-wenangnya pembunuhan dilakukan atas nama jihad, walaupun melibatkan nyawa-nyawa yang tidak bersalah. Mudah-mudahan Allah SWT membimbing kita semua di atas landasan-Nya yang benar dalam menempuh kegelapan zaman fitnah yang bermaharajalela.

Rujukan:

- 1) Abu Dawud, Sulayman bin al-Asy'ath al-Sijistani al-Azdi, (2009), *Sunan Abi Dawud*, Tahkik: Syu'ayb al-Arna'ut dan Muhammad Kamil Qarah Balali, Beirut: Dar al-Risalah al-'Alamiyyah.
- 2) al-'Arifi, Muhammad 'Abd al-Rahman, 2011, *Nihayah al-'Alam: Asyrat al-Sa'ah al-Sughra wa al-Kubra*, cet. 10, Riyadh: Dar al-Tadmuriyyah.
- 3) al-'Azimabadi, Muhammad Asyraf, 1415H, *'Awn al-Ma'bud Syarh Sunan Abi Dawud* –cet. 2, Beirut: Dar al-Kutub al-'Ilmiyyah.
- 4) al-Barzanji, as-Sayyid Muhammad Rasul, 1997, *al-Isya'ah li Asyrat al-Sa'ah*, Jeddah: Dar al-Minhaj.
- 5) al-Bukhari, Muhammad bin Isma'il (1422), *al-Jami' al-Sahih*, Beirut: Dar Tuq al-Najah.
- 6) Faruq Hammadah, Prof. Dr. 2005, *al-'Ilaqat al-Islamiyyah al-Nasraniyyah fi al-'Ahd al-Nabawi* –Dimasyq: Dar al-Qalam.
- 7) al-Hakim, Muhammad bin 'Abd Allah (1990), *al-Mustadrak 'ala al-Sahihayn*, Beirut: Dar al-Kutub al-'Ilmiyyah.
- 8) History, <http://www.history.com/topics/ancient-history/byzantine-empire>
- 9) Ibn Hajar al-'Asqalani, 1379H, *Fath al-Bari Syarh Sahih al-Bukhari*, Beirut: Dar al-Ma'rifah.
- 10) Mansur 'Abd al-Hakim & al-Husayni al-Husayni Ma'addi, 2007, *Harmajiddun wa Nihayah Amerika wa Isra'il* – Dimasyq - Kaherah: Dar al-Kitab al-'Arabi.

- 11) Mohd Roslan Mohd Nor & Nor Shakila Mohd Noor, 2012, *Perang Salib Dan Kejayaan Salahuddin Al-Ayubi Mengembalikan Islamicjerusalem Kepada Umat Islam* - Jurnal Al-Tamaddun Bil. 7 (1) 2012, hlm. 61-74.
- 12) Muslim bin al-Hajjaj (t.t.), *al-Musnad al-Sahih*, Beirut: Dar Ihya' al-Turath al-'Arabi.
- 13) Pew Research, <http://www.pewforum.org/2012/12/18/global-religious-landscape-exec/>
- 14) Syaraf al-Qudhah, 2009, *Kharitah al-Mustaqbal fi al-Hadith al-Nabawi (Ahadith al-Mubasysyarat wa al-Fitan)*, edisi kedua, Amman, Jordan.
- 15) al-Tabari, Muhammad bin Jarir, 1407H, *Tarikh al-Umam wa al-Muluk* –Beirut: Dar al-Kutub al-Ilmiyyah.
- 16) al-Tabarani, Sulayman bin Ahmad (1983), *al-Mu'jam al-Kabir*, Mosul, Iraq: Maktabah al-'Ulum wa al-Hikam.
- 17) al-Tirmidhi, Muhammad bin 'Isa (1975), *al-Jami'*, Mesir: Maktabah Mustafa al-Babi al-Halabi.
- 18) Wa'il Ibrahim Mahmud al-'Asud, 2008, *al-Ahadith al-Waridah fi al-Malhamah al-Kubra* – 'Amman: Dar al-Furqan.

///